


## 1861 - Brev da cunvenziun

Il vischinadi da Tschmut survegn la pusseioladad da sedeliberar digl arver dall' Alp Tschamut ed aschia acquistar l'alp. Els secunvegnan cun la summa da 2000 francs. Il vischinadi sto purtar quella summa senza igl agid dalla vischnaunca. En caussas economicas fuvan els quasi sco in stadi en la vischnaunca da Tujetsch. Mira la historia dil vitg da Tschamut pag. 601.

### Brev da cunvenziun culla venerabla claustra da Mustér da vart da Tschamut



#### Cunvenziun


Denter la venerabla claustra da **Mustér** ed il vischinadi da **Tschamut** en la vischnaunca da **Tujetsch**, respectiv ils plenipotenziai dil vischinadi; signur Stiafen Schmed e Gion Paul Riedi, ei sut il present datum vegniu tier la sequenta cunvenziun, cun reserva davart dalla claustra dalla cumpetenta ratificaziun.

Il vischinadi da **Tschamut** che pagava in annual tscheins da 80.43 frs. en resarciment (*cumpensaziun*) dil caschiel grass che schai sco grevezia annuala sin lur alp **Tschamut** alla venerabla claustra – liquidescha e paga giu questa grevezia per adina encunter l'universal summa da 2000 frs., ditgel francs duamelli.

Quest capital paga il vischinadi igl onn 1861, s. Martin, cun il tscheins da 5% vitier.

En confirmaziun dil sura, en num dalla venerabla claustra  
P. Martin Andreoli, administratur  
**Mustér**, 1861, ils 15 d'avrel

Ils suttascrets liquidaturs dalla venerabla claustra da **Mustér** ratificheschan ed approbeschan en vertit da lur plenipotenza, la sura cunvenziun



**Trun/Laax**, ils 29  
d'avrel 1861  
J. R. Toggenburg e  
Christian Decurtins,  
liquidaturs

Stalter Stiafen Schmid  
Stalter Gion Paul  
Riedi

## La historia dil vitg da Tschamut

Concernent fatgs publics e politics apparteneva Tschamut a Tujetsch, mo concernent fatgs interns d'economia era Tschamut in uclaun independent, ina societad agrara autonoma. - Ils da Tschamut ein vegni igl onn 1398 proprietaris dall'Alp Tschamut. Buca igl uclaun gauda l'alp, mobein quels, la glied da Tschamut "*der lüten uff Schamuot, die da sesshaft sinndt, die honndt huss und hoff.*" Els, quels da Tschamut, pagan l'alp feudala alla claustra.

Entuorn 1200 entscheiva l'imigraziun dils Gualsers sul **Pass Alpsu** ella part su dalla **Surselva**. Gruppa da colonists secollochescha a **Tschamut** sin 1650 meters sur mar. Ord il **Zmut** daventa pli tard il **Tschamut**. Selva dad oz daventa lu **Selvaningen**, ils Uranès numavan era **Im Holz**. Insumma, neschan oravontut plirs beins ella vischinonza da **Tschamut**, **Platte(a)**, **Müren (Mürenberg)**, **Mühlematte**, **Bolliematte**. Staziun finala ein buca **Rueras** e contuorn. Probabel succeda la colonisaziun era cheu en pliras etappas, oravontut el 13 e 14avel tschentaner e suenter la pesta da 1350 sin la vart seniastra tochen **Zarcuns**. Documents da 1380 e 1391 portan ils nums: Snider, Zurggen, Burkhardt e Fuyen.

La cuntrada s'udeva alla claustra da **Mustér**. Tochen sin 2000 serasava igl uaul. Ils colonists semettan alla lavur dad urbarisar plauns e spundas. Aschia survegnan els tiara cultivabla e retscheivan gl'entir territori sco emprest digl avat dalla claustra. Denter il **Calmut** ed il **Pez Cavradi** sefuorma l'**Alp Tschamut** e silla collina il habitadi **Tschamut** ed ella vischinonza plirs beins habitai. Tgunsch pusseivel ch'ils habitonts al pei dalla via sul pass ein vegni obligai da tgirar la senda sur quel. La confirmaziun dil feudum succeda pli tard cun in document, vegn denton primarmein nudada el cudisch d'emprests dalla claustra.

Culs onns e cun dira e zaia lavur da runcar semida la cuntrada en beins, praus e pastiras. Durent decennis gaudan ils habitonts da **Tschamut** ina posiziun speciala da dretg. Vischins senumnan els, ils possessurs da casas cun agen fiug. L'alp ch'els han medemamein runcau ed administreschan a moda gualsra, obtegn negin num special. Quella s'auda a lur vitg, ei semplamein sia alp. Ils d'ordvart numnan ella secapescha **Alp Tschamut**.

Alla fin dil 14avel astg'ins supponer ch'ils vischins da **Tschamut** supplicheschan gl'avat per ina brev feudala. Els retscheivan la brev che documentescha ina situaziun carteivlamein gia daditg sancziunada (forse schizun cun in document ch'ei ius a piarder). Las cundiziuns vegnan buca ad esser semidadas enviers la claustra. La pergameina originala ei naven da lu il mussament dall'alp feudala. Avat e convent vegnan a ver confirmau bugen las relaziuns. La dependenza da lur alp ligia ils Tschamuters vid lur vitg ed alp ed impedescha els da serender giu el vonn dalla **Val Tujetsch**.

Cun la formulaziun "Dytz sindt die rechtung der lüten ..." ei la brev formulada subjectivamein. Per alla fin dil document ein els enconuschents, numnadamein igl avat Johannes e covent dalla claustra da **Mustér**.

*"Dytz sindt die rechtung der lüten uff Schamuot, die das sesshaft sinndt, die honndt huss und hoff, aker und wyssen und al ir Nachkomenn, dz die söndt unss und unnsrenn gotzhuss und unnsrenn nahkommen jarlichenn gebenn von der alpe wegenn, die stost an einenn thail zuo an die alp, die da Maigels genamt ist, und die halb stosset an dz wasser, dz da runenn ist vonn der alpenn Maigelss inn die gueter Muelimat, und den andrent zuo stost an dem Wasser, dz da rindt zuzwischen der thallütenn almaine und derselbenn alpenn.*

*Undt sondt unss die genamtenn vonn Schamuoten alle jar jarlichenn von der alpen daselb richten werenn vier schilling an werdt kessenn inn unnsrenn gotzhuss ze Tissendis, uff sanct Martiss tag aldt aber darnach in den nochstenn aht tagen, an gfferdt inn unssrenn hoff.*

*Thetenn sy dz nit, darfür got sy, so sondt wir, alss unnsrer nachkomenn, alss unssrenn boten an unssrenn statt von unser wegen den bluomen angriffenn, wa es unss aler füglichst ist, der uff denn vorgenannten lütenn von Schamuoten und allen irenn Erben und nachkomenn gueter je gewachsen ist. Und sondt wir die schetzenn nach des Landrecht ze Tissindiss für zwyfalti phender. Lössendt sy die*

nüt nach des Landtz recht, so sondt unss dei egeschribnen pffender, alss si ie geschetzt sint, gäntzlich gefallenn sin für unsser Eygenn.

Wöli aber under den egenamtenn von **Schmuot** ir Erben und nachkomenn angriffenn würdenn vonn dess vorgenamten Zinss wegen, es sig einer oder mer, sölenn inn die andrenn, alss vorbeschaidenn ist, die lüt von **Schamuoten**, ir erbenn und nachkomenn sy von schadenn gäntzlich wyssenn um ir thail.

Ess solenn ouch zuo der alpenn vorgenannt niemandt Recht habenn, noch sy niessenn, als vorgeschibenn ist, den die lüt, die ie den uff **Schamuoten** hüss und hoff hondt und güter, die sesshafft sindt jar und tag.

Die eygenn vonn **Schamuotenn** und ir Erbenn und nachkomenn sondt ouch mit irem veh nüt mer waidtenn noch kainenn schaden thun inn unssrenn maierhoff zuo **Sengessjn** den oberzehendtenn, wan si ie ze ssant Platziss tag ze merht ald da uonn farenn.

Und zuo glicher wyss alss disser brieff stat, also habenn ouch die herenn von **Tissindiss** inn irenn Rodlenn ein abgschryfft der obgeschribnenn Rechtung fundten.

Wir Johanness von Gotess gnadtenn Apt unnd unssrenn Koffendt des Gotzhuss **Tissindis**für uns und unssrenn nachkommen mit den egenamten von **Schmuot** und all ir erbenn und nachkomenn durch unsers Gotzhuss nutz wegenn lieblich und früntlich überein komenn. Und dess zu vester sicherhait und warer Urkunt ist dysser brieff gebenn mit der Apty und ouch des Couendtz ze **Tissindis** ann hangtenn Insigel.

Ditz beschah unnd wardt der Brieff gebenn do man zalt von Kristus unsserss liebenn herenn geburt dritzehen hundert aht und nünetzig jren an dem nächsten dunstag nach dem heiligenn Ostertag.


Item der ernüwrat ist durch verblichenn handt im jar 1543 mit gunst, rat, wyssen und wylle Pauli N. abt dess würdigen gotzhuss **Tissentiss** und Junker Jacob von Sagx, derzit Landt Aman zu **Tissindiss**, und gemain rat.

Von mir Hanss Florin von **Schamuot**, Geschworener Landtschriber zuo **Tissindis**."

Igl onn 1543 vegn il sura document renovaus e las obligaziuns enviars la claustra da **Mustér** confirmadas. Suttascrets e sigilaus vegn il document dad Avat Paul Nicolai (1538-1551), giuncher Jacob da Sax, mistral dalla **Cadi** e cussegl e davart dils da Tschamut Hanss Florin da Schamuot, gerau e scarvon dalla **Cadi**.


Declaronzas e remarcas	
Rechtung	mediaziun d'ina carplina entras ina cunvegnientscha; quei muntass che la pergameina seigi stada la consequenza d'ina carplina enteifer ils vischins sezs ni culs vischins dalla val?
Muelimat	<b>Prau Mulins</b> , el vest da <b>Tschamut</b>
sanct Martiss tag	sogn Martin, ils 11 da november, en general il termin da pagar ils tscheins
Allmend	pastira da diever communabel
aker	il mussament dalla cultivaziun da graun sin 1650-1700 m sur mar.
merht	ils da <b>Tschamut</b> che van mintgamai da sogn Placi a marcau ni retuornan da quel, astgan buca schar pascular lur animals leu sil bein dil migiur claustral. Beienqualin setenva si leu per discuorer cul migiur dalla claustra.
heren	sut "heren von <b>Tissentis</b> " ein buca mo da capir igl avat ed il convent, mobein era il migiur dalla claustra a <b>Segnas</b>
rodlenn	rodel, register dils tscheins ed auters dretgs da possess, cudisch da tscheins
Jacob de Sax	mistral dalla <b>Cadi</b> (1541-1545) e (1552-1554) e landrehter dalla Ligia Grischa
Hans de Florin	scarvon e mistral dalla <b>Cadi</b> (1549) e (1557), landrehter dalla Ligia Grischa, guvernatur dalla claustra

Igl original da 1398 maunca. Original da 1543 legalisescha la copia da 1398, Archiv communal **Tujetsch** nr. 8; pergameina 38 x 17 cm; ils dus sigils da tschera pendan: quel d'avat Paul Nicolai, sigil rodund; ed il sigil dil cussegl da cumin, oval. Plinavon exista ina copia da mistral Cristian Valentin Beer digl onn 1808. In exemplar ei egl Archiv communal **Tujetsch**, sco aschunta da nr. 8.



**Remarcas**

Ella brev maunca deplorablamein ina clara denominaziun dil feudum. Quei ha surmenau Giachen Casper Muoth e Rudolf von Hess-Castelberg d'anflar in num per l'alp. Igl emprem ei sedecidius per **Suegen** ed il secund schizun per **Oregeny**, omisdus nums da fantasia. Ina eglia da ella copia digl onn 1808 da mistral Cristian Valentin Beer vess tunschiu. Leu stat ei claramain "*von der alpe wegenn, die stost an einenn*". Ord "wegenn" neschan ils nums sura numnai, la muntada ei secapescha da wegenn "pervia" dall alp. Ils cunfins definai excludan tuts dubis. L'**Alp Tschamut** schai el vest digl uclaun cul medem num. Dapi la construcziun dalla via da **Curnera** eis ella tagliada empermiez. Deplorablamein ei la fallida interpretaziun vegnida duvrada en autras publicaziuns, aschia tier Martin Bundi, Zur Besiedlungs- und Wirtschafts-geschichte Graubündens im Mittelalter, 1982, el cudisch da **Tujetsch** (Tarcisi Hendry ella part historia) e Rizzi.



Mo tgi che habitescha sin territori da **Tschamut** ed ha leu ses beins, sa guder l'**AlpTschamut**. Jasters vegnan excluda dalla gudida. Ils da **Tschamut** debiteschan alla claustra da **Mustér** mintg'onn in tscheins da "*vier schilling an werdt kessen*" che ha cuzzau entochen tier la cumpra dall' alp igl onn 1861. Il tscheins ei in deivet d'obligaziun. Vegn il caschiel buca furnius ei la claustra autorisada d'impegnar la raccolta da lur beins. Quei dublamein tenor dretg territorial dalla **Cadi**, cass cuntrari croda tut anavos alla claustra.

La claustra ha ina miigiuria a **Segnas**. Sut "*oberzehendtenn*" ei da capir la scheina sura dil vitg. Forsa setracta ei era dalla cuort a **Rueras**. Sche quei corrispunda, lu sa quei buca esser sigl areal dil casti da **Putnengia**, anzi plitost sur la via d'**Ursera** a **Putnengia Dadens ni Dado**.

### **Entuorn 1500**

La caplutta da s. Clau ei vegnida eregida entuorn igl onn 1500. Tgunschamein ha la claustra da Mustér eregiu quella caplutta. La tuor sesanfla alla fin dil giebel e semeglia las capluttas dad auters hospezis. Il zenn grond ha in diametter da 55.2 cm e porta l'inscripziun "*scta Maia - s. nicolaus - sptc uns - lucas - marcus - mateus - io - hannes*", culaus entuorn 1500.

Fetg interessants e prezios ei il plantschiu sura dalla caplutta. El datescha dalla fin dalla epoca gotica (entuorn 1500). La rosetta multifara amiez il plantschiu ei in entagl en fuorma da pesch. Enramada vegn ella dad uoppens e probabel da segns (nodas) da casa. Enconuschents ei igl uoppen dalla Ligia Grischa, tut auter ein forsa era mo decoraziuns.

Seniester ella nav sesanfla ina bellezza statua da s. Clau d'in luvratori digl Allgäu che datescha dils temps entuorn 1500.

Igl onn 1658 vegn la caplutta cartevlamein reconstruida ni modificada.

Il zenn pign ha in diameter da 32.5 cm; tun: c'; peisa: ca. 40 kg e porta l'inscripziun: *1689 + S. MARIA ORA PRO NOBIS*, maletgs cun la crucifigaziun, s. Clau e s. Diakon. Num dil culader: Bonavilla.

A caschun dalla renovaziun da 1933 vegnan plirs maletgs murals neunavon: sin la preit dretga dalla nav in sogn cun manti brin e calisch, probabel igl evangelist sogn Gion, dil temps amiez il 16avel tschentaner. Dil medem pictur derivan era ils maletgs da s. Carli Barromeus e s. Paul vid la preit viers sid.

El chor sesanflan maletgs che representan quaters scenas dalla legenda da s. Clau.

1. S. Clau schenghegia a treis feglias d'in pauper la dota da maridar.
2. Sontgaclau spendra il treis giuvens precis condemnai alla mort.
3. Cumparaziun da Sontgaclau sin viadi a Mira.
4. Plitost in dessegn votiv: Cun agid da Sontgaclau spuentan dus umens ils guerriers a cavagl.

### **Burgheis da Tujetsch – buca senza pagar**

1610 - 1613

Da quei temps exista il mussament, ch'ils vischins da **Tschamut** ston secumprar en sch'els vulan retscheiver ils dretgs da **Tujetsch**. Tgi che vul pia bandunar **Tschamut** e serender giu ella val e retscheiver il dretg da burgheis da **Tujetsch** sto persunter pagar in dètg daner. Las impurtaziuns ein d'anflar el rodel dils tscheins da 1555.

*Item Jan Marttin Schnider uff Schamutt ist in genumen für ein nochpur von Daffesch in jar 1613, hatt geben zu erschatz und ware sicherheit, hatt den gemeynen nochpur geben 46.*

*Item Jan Liemett uff Schamutt ist in genumen für ein nachpur in Daffesch, hatt auch geben atchsechen guldi denen nachpuren in Daffesch.*

### **Dretg da pascular cullas cauras - 1625.**

Quei document plaيدا pertuccont las cauras da **Tschamut**. Quellas dueien ver ils dretgs da pascular sco vidavon a **Cavradi**, **Maighels** e **Surpalits**. La brev da cumpra da quellas treis alps plaيدا en quei senn (document dils 16 d'october 1625 cun ina aschunta da 1629). Ina posiziun precisa davart quels dretgs dils da **Tschamut** ei messa a scret en in document digl onn 1863.

### **Dretg dalla pasculaziun cun las cauras**

Igl onn 1629, ella brev da marcau dalla **Alp Cavradi** denter il cussegl ed ils vischins da **Tujetsch** ed in burgheis da **Sumvitg**, stat ina notizia che cumprova ch'ils habitonts da **Tschamut** laian buca curdar la caschun dad engrondir lur pastira ed infirmar dretgs da diever "... nämlich, dass wir noch unsere nochkomen nit befiegt sind noch gewalt haben, in die gemelte allp keines wegs zuo weiden noch zu meyen, vorbehalten dennen nachpuren von **Tschamut** mit jhren geissen in di gesgte allp fharen und weiden".

Pergameina nr. 31 egl Archiv communal **Tujetsch**.

L'**Alp Tschamut** cuviera sur liung temps ils basegns dil vischinadi. Per saver alpegiar cun biestga jastra, brischan e runcan ils purs ualti segir aunc el 16 e 17avel tschentaner parts pli lontanas ed uaul da muntogna spundiv. Aschia gudognan ins pastira silla spunda dil **Mun Traviers**, denter il **Rein** e l'**Alp Cavradi**.

### Dumbraziun da 1768

Tgi habitava 1768 a **Tschamut**?

	Num	Prenum	Num	Prenum	masc	fem	
1	de Platz	Gion	Hütz	Margretta	3	2	
2			Riedi	Maria Catrina *	2	1	vieua
3	Sievi	Antoni	Caduff	Maria Catrina	1	1	
4	Riedi	Gielli Durig	Hütz	Maria Mengia	2	2	
5	Riedi	Chrest	de Flurin	Onna Maria	2		
6	Riedi	Barclamiu	de Curtins	Onna Maria	2		
7	de Flurin	Chrest	Curseles	Maria Cathrina	2	4	
8	de Flurin	Balzer	Peder	Maria Gieligia			
9	de Flurin	Chrest. Jos	Riedi	Maria Cecilia	1	1	
10	de Flurin	Placi Antoni	Regli	Maria Lisabet	1	2	
11	de Flurin	Gion Battesta				1	vieu
12	Riedi	Gielli	Würth	Mengia	1	4	
13	Hütz	Gion	de Curtins	Maria Gioana		2	
14	Diog	Columban	de Flurin	Maria Cathrina	3	1	
	<b>13</b>		<b>13</b>		<b>20</b>	<b>21</b>	

\* vieua da Clau Sievi

### Remarcas davart la dumbraziun

33 umens e 34 femnas/26 carschi e 41 affons/ giuvenils; total 67

Deflorin e Riedi ein las duas schlatteinas dominontas cun 9 fiugs da 14!

Ils Diogs ein setratgs neu dad **Andermatt** suenter il barschament da 1766. Els ein ils geniturs dil portretist Felix Maria Diogg (1762-1834). La mumma fuva naschida a Tschamut. Würth (Werth) e Regli ein duas schlattas era vegnidas neu da l'autra vart dil **Cuolm d'Ursera**.

### Motiv da tgirar bein l'atgna alp

Igl onn 1783 munta la contribuzin alla claustra 144 crenas caschiel. 1 schilling corrispunda treis tozzels crenas. Ina favoreivla purschida ed in motiv pils da **Tschamut** da tgirar fetg bein sia alp.

### Situaziun che promova buca la pasch

1786

Quella situaziun speciala promova buca adina la pasch denter la val ed ils habitonts da **Tschamut** cun sia posiziun speciala "ina moda da stadi en in stadi". Els sedostan inaga encunter l'emprova d'integrar els cumpleinamein ella vischnaunca ed encunter mintga contribuziun e taxas ch'ils vischins da **Tujetsch** vulan era pretender da **Tschamut**. Quei onn va ei pervia dils cuosts dalla casa caplania a **Rueras** e pervia da tscheins d'alps, carteivel mo pervia dallas alps **Surpalits** e **Maighels**. En quei senn secloma il tetel dil document:

*Spruchbrief zwischen dem Hof Tschamut und der übrigen Gemeinde Tavetsch betreffend die Kosten des Kaplaneihauses in Rueras und den Alpzens der Alpen Surpalixund Maighels, 1786 Februar 22.*

### Dumbraziun da 1791

La dumbraziun da 1791 muossa il suandont maletg dils habitonts da **Tschamut**.

	Num	Prenum	Num	Prenum	m <sup>asculin</sup>	f <sup>eminin</sup>	
1	Riedi	Gion Gaudios	Berther	Maria Scolastica	4	3	
2	de Platz	Gion	Riedi	Maria Helena	2	3	
3	Sievi	Lezi	Caduff	Maria Elisabeth	1	2	
4	Riedi	Gieli Durig	Hitz	Maria Mengia	3	4	
5	Riedi	Joseph Anton	Riedi	Margreta Nescha	3		
6			Suliva	Maria Durthè		2/mum.	vieu
7	de Florin	Placi Antoni				1	vieu
8	Sievi	Antoni					vieu
9	Sievi	Clau Joseph	Hitz	Maria Scolastica	1	1	
10	de Curtins	Gion Fidel	Diog/Sievi	Maria Regula			
11	Diogg	Giahannes	Beer	Mariusla		1*	
12	Diogg	Columban			2	**	
13	Hitz	Antoni Fidel			1 frar	2 soras	
14	Riedi	Martin Hasper	Peder	Maria Margreta	4	1	
15			Riedi	Cecilia	1	5	vieu
16	de Florin	Rest			1	2	vieu
	<b>14</b>		<b>11</b>		<b>23</b>	<b>28</b>	

### Remarcas

\*stria 1 e scret 3

\*\* stria sia onda

37 umens e 39 femnas/29 carschi e 47 affons/ giuvenils; total 76

Suenter 23 onns ei la populaziun carschida a **Tschamut** per 9 persunas e 2 fiugs.

Ils Diogs ein restai a **Tschamut** ed in dils fegls ha fundau famiglia, il Giahannes.

Ils Riedis domineschan cun 4 fiugs, suandai dils Sievis cun 3 fiugs.

### Il 19avel

L'extensium dil spazi da pascular per la biestga ed il diever annual da lenna smasa igl uaul. Vid schurmetg digl uaul negin che patratga. Pér miez il 19avel tschentaner pren quella devastaziun ina fin cun in rigurus uorden d'uaul davart dil cantun.

Duront plirs tschentaners demuossan ils da **Tschamut** ina remarcabla independenza. Aunc el 19avel tschentaner drovan els l'alp tenor usit e vegl dretg. Leutier noda Josef Steiner, scolast a **Selva** denter 1867 e 1870), en sia descripziun da **Selva**:

*Il vitg da Tschamut era plirs tschiens onns staus en possess d'ina stupenta alp che era ad els, po ins dir gest avon casa. Ussa va la via aunc gest sper l'alp ora che ha dau a quella alp bunamein la dubla valeta. In' alp cun bunas auas en abuldonza e buca malsegira per ruclar animals. Mintga famiglia veva en quella alp duas tegias, essend cheu duas midadas, ina giu bass ed in' autra pli si ad ault. Cheu savevan lura ils da Tschamut gia baul la primavera ir en l' alp cun tut lur animals pigns e gronds. La sera mavan ei en e mulschevan mintgin sias vaccas e cauras. La damaun suenter mulscher caschavan ei e mintgin vegneva lu a casa cuagl alv e la schuffa caulda da solver. Il pieun vegneva lu schaus tier la punt da gentar e tut vegneva lu cheu fatg bein a nez.*

Quella pratica da diever mo per els sto vegnir relativada. Per temps han ils da **Tschamut** priu si biestga jastra. Tec ha tec han els extendiu lur territori culla spunda dil **Mun Traviers**. Quella extensium ha giu sias consequenzas e semuossa el cunflict culla vischnaunca igl onn 1863 entras in stentus process.

### Ciamut 1801

Die Alp diess Namens Zinset jährlich fetten Käs Krinen 142. Dieser Alpzens ward vorzeiten ins Kloster gebracht, und dem Sennen etwas Merenda gegeben. Dermalen machen die Ciamuter wie die von **Vall** e **Vallgiuf**, und geben das gelt 18 xr. f. Krinen. Es kann aber auch hier jeder Zeit der Käs in natura gefordert werden.

## Dispeta denter vischins - 1806

Ils da **Tschamut** vegnan en carplina denter els. Las duas partidas secunvegnan cun agid dallas autoritads da cumin. Els secunvegnan e siaran "giu ina cunvegnientscha adequata cun la brev veglia, la quala duei restar en kraft per adina, taluisa che dacheudenvi ni ils paucs ni ils biars dils vischins possien zatgei midar da quella sut negin tetel ni pretext la quala ei sco suonda:

1. Deigi la grevezia digl arvè, baghetgs e tuttas autras che pon ira vid l'alp vegnir partidas giu e purtadas suenter ils praus ed èrs che vischins
2. possedan leu **Tschamut** e per consequenza deigien era igl interess vegnir partius e possediis suenter praus ed ers, quei ei sch'ei vegn schau via, ni priu si s.h. tiers.
3. Deigi scadin vischin, quei ei mintga fiug, puder tener a casa ina s.h. vacca, sch'el ha agen envernau per mulscher, sco adina ei usitau e dapli deigi el aunc puder prender si ina schetga ni da mulscher ed era tenera casa.
4. Possi scadin vischin era metter tut ils auters ses tiers e guder l'alp.
5. Deigi mintga vischin aunc puder prender si annualmein in vadi ni in stierl, ni stiarla; il rest deigi vegnir cargau l'alp e partiu sco ei detg el secund artechel cheu sura; e quei vadi ni stierl duei vegnir cargaus ell'alp nua ch'ei corgan lur atgna biestga schetga.
6. Dil rest, ton da cargar ad alp, ni guder mintgin ses tiers dapersei a siu plascher, sco era guder l'alp cun prender si tiers jasters, bein aber adina mo sco ei po purtar, ni schar via ch'els vessen davonz per lur biestga duei adina puder vegnir concludiu cun il pli da vischins, nua scadin vischin deigi puder dar siu meini.

E quei ei daventau en **Mustér**, ils 21 da matg anno 1806, e per confirmaziun da quei suttascrivin nus per cumissiun ed en preschientscha dils cheutier deputai da **Tschamut**

## Dumbraziun da 1835

La dumbraziun dils habitonts da **Tschamut** digl onn 1835

	Num	Prenum	Vegliadetgna	Remarcas
1	<b>Beer</b>	Caspar	15	affon natural
	Beer	Vigil	37	um
	Beer	Monicka	29	dunna
	Beer	Creszenz	1	
2	<b>Condrau</b>	Anna Maria	58	vieua
3	<b>Decurtins</b>	Aloys	37	um
	Decurtins	Viktoria	41	dunna
	Decurtins	Johan Christian	7	um
	Decurtins	Anna Maria	5	dunna
4	<b>Deflurin</b>	Jakob Anton	46	
	Deflurin	Creszenz	35	
	Deflurin	Jakob Anton	12	
	Deflurin	Sebastian	7	
	Deflurin	Teresa	5	
	Deflurin	Anna Margaritta	3	
5	<b>Gama</b>	Caspar	38	vieu
	Gama	Johan Joseph	15	
	Gama	Scholastika	11	
	Gama	Anna Maria	6	
6	<b>Loretz</b>	Joseph Maria	20	um
	Loretz	Elisabeth	25	dunna
7	<b>Riedi</b>	Augustin	35	um
	Riedi	Creszenz	34	dunna
	Riedi	Creszenz	9	



	Riedi	Johan Martin	7	
	Riedi	Scholastika	5	
	Riedi	Anna Maria	3	
	Riedi	Gaudiöss	81	vieu
8	<b>Riedi</b>	Johan Joseph	34	
9	<b>Riedi</b>	Sebastian	64	vieu
	Riedi	Julius	9	
	Riedi	Johan Baptist	7	
10	<b>Riedi</b>	Rosa	40	
	Riedi	Margaritta	44	
	Riedi	Margaritta	15	
	Riedi	Maria Ursula	38	
11	<b>Siewi</b>	Johan Nickolaus (statalter)	56	um
	Siewi	Johana	40	dunna
	Siewi	Johana Dorothea	23	um
12	<b>Siewi</b>	Nickolaus	70	dunna
	Siewi	Scholastika	70	
	Siewi	Barbara	30	
13	<b>Schmid</b>	Margarita	67	vieuva
	Schmid	Martin Felix	28	
	Schmid	Paul	23	
	Schmid	Jakob	19	
	Schmid	Stephan	15	
	Schmid	Johan Anton	11	
14	<b>Schnoz</b>	Julius	26	

### Remarcas

49 habitonts en 14 fiugs

Ils Schmid's cumparan per l'emprema gada a **Tschamut**. Il Giachen Antoni Schmid, cheu cun 19 onns, daventa pli tard igl um che gioga ina gronda rolla politica ella **Val Tujetsch** e quei atras ina gronda part dil 19avel tschentaner. El vegn enconuschents sco il Sten Alv da **Gonda**.

Medemamein ein era ils Beers l'emprema gada ella retscha dils habitonts da **Tschamut**. Neu digl **Uri** ein ils Gama e Loretz secasai leu.

### Ils vischins denter els

*Tujetsch, ils 15 da matg 1845*

*En caussa denter ina maioritad da vischins dil ludeivel vischinadi da **Tschamut**, numnadamein: statalter Gion Clau Sievi, Barclamiu Berther, Maria Margretha Riedi, Rosa Riedi, Gion Bistgieun Riedi, Clau Sievi e Sep Maria Loretz sco plogn, encunter ina minoritad sil medem vischinadi, numnadamein: signur assistent Giachen Antoni Schmet cun ses frars, Gion Giuseppe Riedi, Giachen Antoni Deflorin, Augustin Riedi e Gieri Schnoz sco risposta, ariguard il guder l'alp da **Tschamut** acquistada dalla venerabla claustra da **Mustér** tenor brev digl onn 1543 ed en particular sin tgei moda reparter igl interess, avantatgs e disavantatgs da quella, la quala fatschenta ei stada ventilada entochen avon il ludeivel obercheit sut ils 8 d'avrel, aber igl onn present remessa ad in cumpromiss tenor brev cumpromissala dil medem datum eis ei dils suttascets derschaders cumpromissals, suenter haver tedlau las verbalas proposiziuns dallas parts sezzas viu en ils produci mussaments litterals, numnadamein*

*a) La brev da cumpra dall'alp da **Tschamut** digl onn 1543.*

*b) Sentenzia en fatschenta encunter ils „hinderses“ dil vischinadi da **Tschamut** digl onn 1578.*

*c) Entelgientscha amicabla denter ils vischins da **Tschamut** digl onn 1806, ils 7 da schaner.*

*Quels reflectau e ponderau, en particular tratg en consideraziun il cuntegn dalla brev d'anno 1543, sco buca meins sefundau sin la praxis ed usit da nies ludeivel cumin en fatgs d'economia da vischnauncas.*

### **Cun sentenza cumpromissala enconuschiu**

1mo. Ils vischins sesents da **Tschamut**, che han ni gaudan casa e cuort, ers e praus, han ils emprems dretgs da cargar l'alp da **Tschamut** cun lur tiers envernai ora cun pavel carschius sil territori da quel.

2do. Igl arvè dils s.v. tiers pri si la stad, ultra dils envernai ora cun pavel da **Tschamut**, vegn partius suenter fiugs

3tio. Igl arvè dalla venerabla claustra da **Mustér** deigi vegnir tagliaus sin tut ils tiers cargai mintga stad ulivamein, tier la quala taglia dus armauls schetgs sco stiarls, stiarlas e vadials vegnan quintai per ina vacca ni genetscha.

4to. Spesas per cumprar jarva, sco per manteniment da punts, baghetgs ed autras reparaturas vid l'alp, vegnan purtadas giu ulivamein suenter fiugs.

5to. Cun ils „hinderses“ duei vegnir secunteniu sco la sentenza da **1578**.

6to. Il regular l'alp, sco era il prender si ils tiers jasters, deigi vegnir concludiu entras il pli dils fiugs.

7tmo. Tuttas disposiziuns cuntenidas ellas brevs ni entelgientschas che stattan en cuntradiziuin cun il present dispositiv vegnan declaradas ord kraft e vigur.

8tvo. Per spesas giudizialas ed extrajudizialas caschunadas avon la presenta enconuschientscha, paga la part dalla risposta al plogn 55 fl.


9vo. Las spesas giudizialas per incumet e cibari da quest tribunal cumpromissal consistentas en 43 fl. 16 x. vegnan dallas parts purtadas giu ulivamein, las extrajudizialas durant quest cumpromiss porta scadina part las sias.

*Ils derschaders cumpromissals*

*Anton Arpagaus*

*J. B. Bundi*

*August Condrau*



### **Ers, garnezi e mulins a Tschamut**

Ils avdonts «**dadains gl'uaud**» ein mai stai pupernai cun èrs da garnezi. Las uclivas situadas cheu denter 1500 e 1800 meters sur mar segidavan culs chischners, quels famus madiraders da graun. Ils Tschamuters havevan tschentau lur mulins dadens l'ucliva agl ur dalla via veglia dil **Cuolm d'Ursera**. Els partevan senza dubi ils indrezs culs vischins el contuorn e cun quels da **Surpalits**, schiditg che quellas uclivas isoladas ein secapescha stada habitadas. Il **Rein** dalla **Val Val** haveva flad e forza d'avonz per mover las rodas da quels emprems mulins sisum la **Cadi**.

Sin in dessegn da 1817 muossa il pictur turitges Johann Ludwig Bleuler cun tratgs marcants las cascadas dil dargun ed ina mudesta tegia-mulin a garnugl el fiep sut ina preit crap.

Il num **Prau Mulins** silla riva seniastra dil **Rein da Tuma** cumprova aunc oz quei ch'ei stau inaga agl ur dil funs che stauscha viers igl ual dalla **Val Val**: mulins e matei era in fallun. Igl expert po aunc oz veser dadens l'aua las restonzas d'in dutg. Las uclivas, ils beins, ella vischinonza da **Tschamut**, sco era **Surpalits**, ein svanidas avon tschantaners. Ina nauscha lavina da 1809 ha derschiu treis, quater clavaus da **Prau Mulins** e probabel era ils indrezs hydraulics sper il dutg numnau.

Il mulin sut il grep dado l'aua ha perencunter tenu petg aunc in pulit toc viaden el 19avel tschantaner. Mo cura che quel ei ius da rendiu, eran la cultura da garnezi e da mulins gia fetg periclitada. Il stradun dall'**Alpsu** ha lubiu da menar la muliziun a **Rueras**.



Entadem il Lag dil Pass Alpsu cul menaschi d'edifecis dalla "Oberalppasshöhe". Ina lavina digl onn 1951 ha destruiu tut. Odem il lag las barraccas dil militar e la via sul Pass Tiarms. Davart l'erecziun dalla via Alpsu mira pag. 629.

### Dumbraziun da 1848

Dumbraziun dils fiugs e habitonts:

16 fiugs cun 77 habitonts cun 7 fiugs da schlatta Riedi.

1	<b>Riedi</b> Augustin	09-08	1801		
	Cresenzia Riedi	16-05	1802	1858	dunna
	Cresenzia	27-04	1824		
	Gion Martin	02-12	1826	1880	
	Onna Maria	05-12	1833		
	Maria Catharina	23-11	1836		
	Augustin	26-11	1841	1907	
	Maria Scolastica	05-01	1847	1920	
2	<b>Riedi</b> Gion Giusep	12-10	1811		
	Onna Margreta Deflorin	15-04	1807	1859	dunna
	Gion Antoni	05-03	1836	1910	
	Maria Brida	12-09	1837		
	Maria Victoria	30-07	1840		
	Onna Catharina	03-03	1842	1907	
	Gion Giusep	01-08	1845	1923	
	Onna Maria Gienoveva	28-06	1849	1924	
3	<b>Riedi</b> Gion Paul	13-08	1826		

	Teresa Deflurin	01-03	1830		dunna
	Giachen Antoni	25-12	1847	1850	
	Maria Cresenzia	30-09	1850	1920	
	Gion Fidel	10-10	1853		
	Maria Victoria	06-03	1856		
	Onna Maria	11-02	1858		
	Theresia	18-02	1860		
	Onna Catharina	30-01	1862		
4	<b>Schnoz</b> Gieli Librat	25-12	1808		
	Maria Catharina Riedi	15-11	1812		dunna
	Maria Giuanna	06-06	1836	1913	
	Giusep Antoni	14-08	1840	1910	
	Margretha	20-09	1842	1913	
	Balzer	26-09	1845		
	Gienoveva	24-02	1848		
	Philomena	05-08	1849	1921	
	Gielj	07-10	1852	1920	
	Gion Baptesta	11-01	1857		
	Joseph Maria	21-05	1858	1894	
5	<b>Riedi</b> Gion Bistgiaun	14-06	1772	1858	
	Gielj	03-08	1826		
	Gion Baptesta	27-11	1828		
6	<b>Beer</b> Hasper	12-05	1821		
7	<b>Riedi</b> Gielj Durig	17-01	1768	1852	
8	<b>Gama</b> Gion Giusep	23-06	1822		ussa a Sedrun
	Maria Culastia	13-02	1825	1905	fargliuns
	Onna Maria	26-07	1828	1902	
9	<b>Schmed</b> Maria Margreta Riedi	22-10	1775	1850	
	Stiaffen	26-12	1820		
	Gion Antoni	26-07	1824		
10	<b>Berther</b> Barclamiu	05-10	1785		
	Onna Maria Sievi	23-06	1786	1857	
	Onna Margareta	16-03	1831	1909	
	Berther Gion Antoni	17-11	1793		
11	<b>Loretz</b> Giusep Maria		1814	1853	
	Lisabeth Berther	25-01	1811	1897	dunna
	Onna Maria	18-01	1830		
	Franz Giusep	07-01	1838		
	Lezi Antoni	22-04	1842		
	Sep Antoni	06-03	1845		
	Maria Catharina	30-08	1847	1912	
	Rosa Martina	17-04	1850		
	Margareta Cristgina	12-04	1853		
12	<b>Deflorin</b> Margareta Cresenzia Werth	28-03	1802		
	Giachen Antoni	16-11	1823		
	Gion Bistgiaun	08-12	1827		
	Cresenzia	01-09	1832		Medeli
	Barbla Cresenzia	31-03	1837		
13	<b>Riedi</b> Maria Margareta	02-06	1793	1852	
	Maria Margareta	24-05	1820		feglia
14	<b>Riedi</b> Pieder Paul	28-06	1787	1857	fargliuns

	Rosa	10-11	1795		
	Maria Ursula	16-04	1798	1857	
15	<b>Sievi</b> str. Gion Clau	04-11	1779		
	Maria Giuanna Hitz	16-04	1798	1856	dunna
	Giuanna Turtè	06-02	1812		
	Maria Culastia	01-07	1816		
	Maria Catharina	06-12	1818	1889	
16	<b>Berther</b> Gion Antoni	10-12	1793		stria

### **Brev da cunvenziun culla venerabla claustra da Mustér e Tschamut**

*Denter la venerabla claustra da **Mustér** ed il vischinadi da **Tschamut** en la vischnaunca da **Tujetsch**, respectiv ils plenipotenziari dil vischinadi; signur Stiafen Schmed e Gion Paul Riedi, ei sut il present datum vegniu tier la sequenta cunvenziun, cun reserva davart dalla claustra dalla cumpetenta ratificaziun.*

*Il vischinadi da **Tschamut** che pagava in annual tscheins da 80.43 frs. en resarciment dil caschiel grass che schai sco grevezia annuala sin lur alp **Tschamut** alla venerabla claustra – liquidescha e paga giu questa grevezia per adina encunter l'universal summa da 2000 frs., ditgel francs duamelli. Quest capital paga il vischinadi igl onn 1861, s. Martin, cun il tscheins da 5% vitier.*

### **Il possess dall'alp promova dispetas**

*Aschia noda il cronist e scolast Giusep Steiner: Durent la stad prendevan ei lu si bia animals e tergevan lu in grond pagament. Da parter quella rendita deva ei denton savens dispetas e scandalems. Tgi leva parter suenter olmas, tgi suenter famiglias ed auters suenter rauba, aschia ch'ils rehs survegnevan il bia. Da quei plaida gia la cunvegna da 1806.*

*Ils vischins da **Tschamut** ein sepassai si encunter la vischnaunca e pretendiu ch'els sco affons da vischnaunca hagian era ils dretgs dallas autras alps da vischnaunca sco auters vischins da vischnaunca.*

*Lur alp seigi lur atgna proprietad. Igl ei allura vegniu menau viaden aschi lunsch ch'ei era tut predestinau da dertgar cun gronda vehemenza da maniera che quei process custava mellis en paucs dis. Avon che muentar process han ei tuttina concludiu da vegnir perina amicablamein e buca dar ils mellis als advocats e procuraturs. La vischnaunca ha dau in tons tschiens ed ei vegnida en possess dalla alp (1866). Ils Tschamuters han giu quels daners e lur biala e cumadeivla alp han ei piars per adina e tier piarder l'alp han ei aunc giu beffas e gomias. Paupers Tschamuters!*

### **Protocol communal 1862**

*... dall'alp culs da **Tschamut** eis ei schau sura al ludeivel obercheit da secunvegnir giu cun els ed era metter en tiarms.*

### **Protocol communal 1863**

*Ei concludiu pervia dalla fatschenta cun ils da **Tschamut**, d'ira sin il plaz enzacons umens ed empruar da s'entelgir denter nus ed ils vischins da **Tschamut**, s'entelli aber cun approbaziun dalla vischnaunca.*

*Ei legiu giu ina citaziun dada ora dil president digl appellaz, il qual lai avisar che la ludeivla vischnaunca duei cumparer sin ils 11 da quest a Trun per corrispunder pervia dalla dispeta dil **Mun Travers** davart dil vischinadi da **Tschamut**.*

### **Dispeta denter vischnaunca e Tschamut**

*Cun 1863 entscheiva la gronda dispeta cun la vischnaunca. La mediaziun dils 7 da mars 1863 porta nuot. Ei va pervia dils cunfins dall'alp. Ils da **Tschamut** fan valer quels suandontamein: Imo.*

*Che quei che seigi da maun seniester dil **Rein**, dil **Plaun Mulin**, enasioviars, tochen si tier il cunfin d'**Uri** da quest maun il lag d'**Ursera**, e da leunenasi sco l'aua che vegn giud las **Puzzas** e sparta il territori d'**Uri**, audi tut tier l'**Alp Tschamut** tochen tier il cunfin da **Maighels** e **Cavradi** e ch'ils vischins da **Tschamut** hagian il dretg da guder questa lur alp persunalmein, seigi cun pascular ni segar sco atgna proprietad.*

2do.

*Pretenda il vischinadi da **Tschamut** da ver il dretg vid tuttas autras alps, pastiras ed uaul da vischnaunca sco mintgin auter vischin da vischnaunca hagi.*

Plinavon va ei era per la pastira dil **Mun Traviers**. Ils Tschamuters pretendan:

1. Che la brev da **1398**, renovada **1543**, deigi valer.
2. Che la vischnaunca renconuschi il numnau **Mun Traviers** ni pastira da casa sco nus vein per atgna proprietad.
3. La vischnaunca possi quell'alp ni pascular ni segar cun terminar tut quei ch'ei dispiteivel denter la vischnaunca e **Tschamut**.
4. Dil maun da **Muschaneras**, quei dil **Run Gron** viers encunter il lag dueigi restar en cuminonza, bein aber ch'ils da **Tschamut** possein cargar las lur nuorsas cun la vischnaunca sch'ei plagi ad els.
5. S'obligheschan ils da **Tschamut** da star naven dils 20 da zercladur sin lur alp entochen ch'ei vegn descargau las alps – sco era deigi la vischnaunca buca stuer clauder naven dil **Rein da Prau Mulins** entochen tier **Surpalits**, bein aber che sch'in ni l'auter vischin less clauder, che la vischnaunca stoppi dar lenna da clauder.
6. Pretendan ils da **Tschamut** da haver tuts dretgs dils uauls ni autras lennas da feglia sco la vischnaunca.
7. Tuttas taglias che vegnan fatgas en vischnaunca, ariguard las taglias, deigi vegnir priu si il cadaster dallas raubas privatas sco generalas resalvond ils uauls, quei fuss taglia per la via nova e deigi vegnir pagau suenter mellis.
9. Deigi ei vegnir a restar denter la vischnaunca e **Tschamut** reciproc vicendeivel da vegnir sin **Tschamut** ed ils da **Tschamut** vegnir anoragiu.
10. Tucond tier il pauperesser da vischnaunca, il trer via quels, deigien ils vischins da **Tschamut** esser perservai da buca stuer schar vegnir tier da sias atgnas alps a quels cun segar ni leu cultivar, auter che sco quei che sia brev da cumpromiss plaida.
11. Tucond tier las cauras dil vischinadi da **Tschamut**, deigien quels ver il dretg da schar ira libramein en **Cavradi**, **Maighels** e **Surpalits** da tut temps, sco la brev dalla vendita plaida da quellas treis alps.

### **Il liung e stentus process**

Il process entscheiva ils 14 da settember 1863 e cuoza tochen ils 21 da november 1863 cun la sentenza:

*Ord motiv che la ludeivola vischnaunca da **Tujetsch** sco part plonschenta ha buca presentau sufficientes mussaments per la proprietad dil questiuneivel territori e consequentamein tenor principis processuals (art. 155) sto vegnir decidu en favur dalla risposta, **Tschamut**.*

*Ord consideraziun che la part **Tschamut** ha obteniu la pli part dils interlocuts ed era il meritum causae sez, denton aber tras ina suspensiun dau caschun tier spesas cun dretg e sentenza.*

*Enconuschiu*

1. La ludeivola vischnaunca da **Tujetsch** ei cun sia pretensiun da proprietad vid il **Mun Traviers** entruidada tiella pazienza.
2. Dallas spesas giudizialas egl importo dad 896 frs. paga la part dil plogn, **Tujetsch**, 4/5, la risposta 1/5, **Tschamut**. Per spesas extrajudizialas ha il plogn, **Tujetsch**, da bonificar 200 frs. Communicada la sentenza declara la part da **Tujetsch** encunter quella igl appelaz tiella dertgira cantunala.

### **Protocol communal 1864**

Ei purtau avon pervia dalla fatschenta cun **Tschamut**, schebein ins vegli ir vinavon tier la dertgira cantunala ni buc ed ei allura concludiu da retrer la segirada e schar esser la caussa sco ella ei.

### **Ord ils protocols da vischnaunca da 1865**

- Eis ei vegniu projectau da trer ora ina cumissiun, e quei schar sura da trer ora mintga

vischinadi, e quei ton pli gleiti per mirar sche ins savessi seregular giu cun ils da **Tschamut** appartenent la nova questiun, cass cuntrari che quella savess quei buca seregular giu, sche duei vegnir legiu ora adattai per cun quella ira vinavon e cun quest cheu avon scret eis ei vegniu desliau si la vischnaunca.

- Eis ei vegniu mess avon la convenziun fatga denter il vischinadi da **Tschamut** e la vischnaunca appartenent la questiun ch'ei vevan pervia d'alp e pastiras. Ei allura dalla vischnaunca e da part da **Tschamut** vegniu unitamein approbau tal e qual sco la brev da convenziun plaيدا, bein aber ch'il deivet che **Tschamut** ha, seigi garantius da buca survargar la summa da 12'454.38 frs., ultra da quei cheu aunc prender giu las spesas dil Cussegl Pign e per siu procuratur Christ tgei ch'el pretenda ultra dil schon dau a quen dils da **Tschamut**, bein aber duei la vischnaunca ver il dretg vid las duas segiradas che era stau dau 400 frs. da retrer quellas per sesezza.

- Suententer che la cumissiun stada legida ora dalla vischnaunca per schar s'entelgir cun il vischinadi da **Tschamut** ha giu dau giu il rapport ch'ella hagi era approbau, ni anflau per bien da recumandar alla vischnaunca. Questa convenziun desisti da 50 frs. per fiug, aschia fussi da bonificar a scadin vischin u fiug entir 400 frs. ed ils mezs fiugs 200 frs. e suenter ver udiu il rapport dalla cumissiun, ha la vischnaunca, cun schar sentir ch'ins fetschi quei sulet per la pasch, unanimamein approbau questa convenziun sco ella ei revedida dalla cumissiun cun consentiment dils vischins da **Tschamut**.

- Eis ei vegniu mess avon alla vischnaunca, sch'ella vegli schar e metter l'**Alp Tschamut** egl ingant e quei zuar schar scriver ora ell'Italia, sco era cheu entuorn ella **Svizra**. Ed ei allura vegniu concludiu da schar scriver ora quella e fixar il termin entochen sin il mars digl onn che vegn per metter lura quella egl ingant. Eis ei vegniu dau per untgida per l'**Alp Tschamut** il **Pastg** e la **Foppa Tschuppina** sut il stradun niev, sco era sur **Carmihut** en ed ora.

### **Brev e proposta da Tschamut, ils 10 da settember 1865**

Ein ils vischins da **Tschamut** seradunai ensemen cun signur assistent per sedeliberar sur la questiun dil process che nus vein avon maun, **Tschamut** cun la vischnaunca. Eis ei concludiu aschia tut per la pasch. Secartein che la vischnaunca seigi era el medem cass seresolvida, pasch, mo mintgin sto perdunar la caussa sez. **Tschamut** ni ils vischins ch'ei oz seradunai, eis ei concludiu che la vischnaunca stoppi s'obligar da dar a mintga fiug 450 frs., ditgel quaterstchien tschunconta francs. Lura ein ils vischins cuntents da surdar alla vischnaunca l'alp totala e schar administrar quella cun nus ed ensemen. Bein aber clar entelgiu, che mintga fiug possi metter quels daners suenter siu plascher. Plinavon per salvar negin regress en neginas caussas, duei la vischnaunca era mirar da dar ina honesta pastira da casa per ils basegns sco ei sedrova. Ultra da quei s'entelgescha ei da sesez, che la vischnaunca stoppi prender giu tuts deivets che schaian sin l'alp, ei pil process ed il deivet che la veva ordavon sin ella, insumma tut quei che schai da quella natira. Vegnend perina cun la caussa, sch'ei ils vischins cuntents da parter tutas grevezias cun la vischnaunca, seigi bien ni schliet. Il cheu avon scret vegn attestaus ch'ei seigi ver e per confirmaziun dil vischnadi en num da tut ils vischins suttascrivan.  
Gion Paul Riedi, Stiafen Schmet e Gion Giusep Riedi.

### **Ord protocols da vischnaunca da 1866**

- Ei vegniu rapportau, ch'ins hagi aunc buca saviu s'entelgir cun ils vischins da **Tschamut** ariguard dar giu ad els la pastira da casa, la quala ha las suandontas determinaziuns. Oragiudem encunter il **Rein da Curnera** da l'autra vart il **Rein**, e praus da casa e **Prau Mulins**, sco era encunter la **Val Surpalits**, ensiviars entochen il **Trutg dalla Platta** che va en giudem **Plaunca Verda**, anen da quella vart entochen entatier la **Gonda dalla Rufna** e lura retuorna ei vid il **Rein** e va suenter il **Rein** entochen l'aua **Darvun** e va suenter quella enasi la **Rufna**. Sisura

va ei si encunter il trutg da **Surpalits** e sco quel vegn oragiu e fila oragiu encunter ils **Trutgs dallas Cordas** filan e van sur quels trutgs ora agradora entochen ora el **Fop dil Trutg dallas Cordas** e leu retscheiver il **Trutg Flurinet** e sco quel va agradora entochen ils cunfins dallas plattas, cun remess cura ch'ils vischins da **Tschamut** possien guder il **Fop dils Planets** ensemen cun quels dall'alp, bein aber pon quels dall'**Alp Tschamut** ir atras cun sia s.v. biestga per aschiditg sco ei stattan giu **Milez**, aber mo passar via dil buntaduir dalla **Rufna** ed ira si dadens il dutg dalla **Val dils Planets** e lura traversar ora sut il **Plaun dils Planets** ora en sill'alp e quei senza paschentar. Il returnar hagien els negins dretgs per quei di, mobein ira si e surengiu dil buntaduir da **Foppa Gronda**. Cheu dasperas remarcar, che las cauras dil vischinadi da **Tschamut** hagien ils medems dretgs sco d'entochen cheu e las nuorsas era ils medems dretgs entochen ch'ei carga e lura dueien quellas vegnir cargadas cun quellas dalla vischnaunca. Sin quei ha la ludeivla vischnaunca unanimamein concludiu, che quei seigi avunda ad interim, ni per in onn. Duess ei aber resultar, che vessen il cuntrari, sche duei vegnir dau a norma dallas autras pastiras ch'ei hagien per lur basegns. Duess ei resultar ch'els vessen schon ussa memia biara, sche en gliez cass ha la vischnaunca il dretg da prender naven.

- Eis ei era vegniu legiu giu la brev da marcau dalla vendita e cumpra dalla alp da **Tschamut**, la quala ils signurs vischins dil **Hof Tschamut** vevan giu sez tschentau si sias pretensiuns e dretgs per far comunabel cun la vischnaunca ed hagien tuts dretgs vid ils fatgs comunabels, seigi ton vid il bien sco vid il mal, quei ei ton vid igl activ sco il passiv, la quala brev era approbada dils vischins dil **Hof Tschamut**, ed era approbada dalla vischnaunca. Essend aber quella buca cumpleina, sch'ei ei vegniu giavischau dils vischins da **Tschamut**, ch'ei vegni tschentau si ina outra brev e zuar tenor convenziun fatga cun la vischnaunca a norma e senn dalla emprema brev. Sch'ei ei allura vegniu tschentau si in'outra brev, la quala aber ils vischins da **Tschamut** han buca vuliu suttascriber e quei sulet ord raschun, che en quella seigi buca ad els garantiu che quels 400 frs. che scadin fiug retila per ina recumbensa, resti ad els sco atgna proprietad, dil rest eran els cuntents cun il cuntegn da quella nova revedida e completada brev, la quala ei da ver alla fin dil cheu detg protocol.

Suenter esser legiu giu la cheu avon indicada convenziun alla vischnaunca, sche ha quella approbau, cun remarcar, che essend che l'emprema brev hagi fatg negina menziun da garantias e ch'ins sappi buca prender si ella nova brev enzatgei niev, il qual fetschi tuttavia buca da basegns, essend avon maun negins prighels ni raschuns da saver ad els prender naven quei importo e fetschi aschia buca da basegns da garanzia.

- Eis ei vegniu rapportau ch'ei fussi necessari da dar ina instrucziun als geraus, co ei hagien da secuntener cun schar via l'alp da **Tschamut**. Eis ei sin quei concludiu sco suonda. Duei vegnir schau via l'alp per tschun onns e quei ni per dapli ni per dameins onns, sco era duei quella buca vegnir schada via per meins, che igl entir tscheins che stat sin quella, ch'ei annualmein 640 frs. cun dasperas dau ordavon ils cunfins che quella alp ha, sco era tgei ulteriuras grevezias quella porta. Ella cunfinescha oragiusut la pastira da casa dil vischinadi da **Tschamut**, da l'outra vart cunfina ella encunter l'alp **Cavradi** e l'alp da **Maighels**, enasisum cunfineschan ils cunfins dil cantun **Uri**, da l'outra vart encunter l'alp u **Rein da Surpalits** e va ensi encunter il crest, **Spitg da Muschaneras**, quei ei bein entelgiu dil maun da **Cuflegl** e sco quel va si encunter la greppa, cun cheu remarcar che la vischnaunca resalvi per sesezza la **Tgauma** ch'ei dil maun da **Cuflegl** encunter il **Crest da Muschaneras** giu tier l'aua sco quella ei stada usitada dalla vischnaunca treis ni quater onns per lur tgauma. Sin las **Puzzas dil Lai** ha la vischnaunca per sesezza tut quei che pendi anenagiu viers encunter il **Lai d'Ursera**.

Ultra da quei ha la vischnaunca reservau per sesezza il fein a pastg el **Cuolm Ault** ch'ei sin l'alp **Tschamut** e quei ei en ils sequents loghens: il **Denter Dutgs**, las **Plauncas Nurschals** ed ils **Bauns Tuma** che stattan davontier en fatschada. Plinavon ha il vischinadi da **Tschamut** ils dretgs da guder l'alp cun sias cauras da tut temps senza neginas interrupziuns dils affittaders che prendan si quella, sco cun sias nuorsas entochen ch'ei vegn cargau ad alp, bein aber per ils affittaders che prendan si quella alp, las nuorsas enviar ensi en pastiras da cauras e quei adina s'entelgiu sin ina dueivla moda, senza tgauns.

Plinavon resalva la vischnaunca il transit per ira cun la biestga enta **Maighels** ed anora e quei



adina d'ira vinavon raschuneivlamein senza star e paschentar cheu ils s.v. tiers.

Plinavon dat la vischnaunca tier l'alp da **Tschamut** ina untgida per temps ch'ei neiva sin l'alp e quella ei tut il **Pastg** sur il stradun en ed ora, sco era a **Carmihut** sur il stradun e la **Foppa Tschuppina** sut il stradun.

### **Cunvenziun da pasch denter Tschamut e Tujetsch**

*Cunquei ch'il vischinadi da **Tschamut** veva in'atgna alp ed era pastira da casa exceptuai dalla vischnaunca e quella veva da l'autra vart sias alps e pastiras per ella, ha quei da temps en temps dau caschun tier questiuns, dispetas e custeivels process e quei nominativamein el novissim temps, sch'ei omisduas parts vegnidas tier il patertgament d'entrar en ina amicabile cunvenziun e far fin a tuttas dispetas e questiuns ch'ei ussa avon maun, sco era da prevegnir ad ulteriuras questiuns da quellas varts. ... Surdat il vischinadi da **Tschamut** tras la presenta per ils presents vischins sco lur vegnentsuenter tut quei ch'il vischinadi sco tal posseda per el; seigi alp ni pastira, alla ludeivla vischnaunca ussa e per adina. ... Leu encunter han ils vischins da **Tschamut** art e part da tuts beins communal dalla vischnaunca.*

La vischnaunca surpren il deivet dils da **Tschamut** da 7379.02 e mintga fiug retscheiva 400 frs. Quei ei succediu ils 4 da mars 1866.

### **Via, schendarm e hotel**

Igl onn 1862 ha il cantun **Grischun** surdau las lavurs per schar construir il stradun naven da **Mustér** tochen **S. Brida** ed in onn pli tard 1863 la part da S. Brida entochen als confins dil cantun **Uri**. Gia 1865 cursava la posta da cavals regularmein naven da **Mustér** sur il **Pass Alpsu** ad **Ursera** entochen **Brig**.

**Tschamut** ei sedestadaus ord siu esser d'in vitg pauperet ed ha survegniu grond'impurtonza. A **Tschamut** vegnevan ils cavals scumiai ora ed ei veva in biro da posta. Perfin ina residenza per in schendarm survegnan ils da **Tschamut**.

La famiglia dil Lucas Cavegn ha reagau sil svilup ed ha baghegiu in hotel niev a **Tschamut**. Ils viandonts, turists han spert engartau il vitget alla tgina dil **Rein**. Igl emprem hosp che ha purtau siu num el cudisch da hosps, ils 5 da fenadur 1867 ei stau in sgr. Dr. C. Sieger da **Frankfurt** cun la menziun «sehr zufrieden».

Igl onn 1869 annunzia Karl Badecker il hotel en siu guid da viadi. Gia egl emprem cudisch da hosps senscrivan hosps ord biaras tiaras europeas.

Cura che la famiglia dil Lucas ei dada dapart ha il fegl Carli surpriu il hotel Rheinquelle da **Tschamut**. El eri in capavel ed iniziativ hotelier. Entras baghegiar ina remisa cun suren ina dependanza cun pliras combras ha el engrondu considerablamein sia fatschenta. Da vart seniastra dil hotel ha el baghegiu ina spaziusa e biala sala. Quella ha la lavina demoliu igl onn 1951. Da vart dretga el liber ha el baghegiu ina hetta da lavar cun suren in per combras. Era quella ei daventa in'unfrenda dalla lavina. Visavi il hotel, da l'autra vart dalla via, steva il biro da posta cun vidlunder in pavigliun e negozi da mineralias.

(Text citau ord 100 onns Hotel Krüzli da Leci Brugger.)

### **Sco la brev da 1398 plaida**

Aunc 1886 vegn tier ina vendita d'in mises a **Prau Mulins** fixau il suandont pervia da dretgs da pascalaziun:

Brev da marcau dils 10 da mars 1886

*... Tier il funs eis ei dau il baghetg a **Prau Mulins** ch'il sura Thomas Huonder ha leu baghegiu, sco era tut il fein ch'era en quei clavau, cura che quei funs ei vegnius vendius, sco era la mesadad dalla tegia a **Milez/Tschamut** ed aunc la lenna ch'il Huonder duorava per far la punt per ira sur il **Rein** vi e neu cun siu muvel la primavera. Tut quels sura menziunai funs e baghetgs ein vendi cun ils medems dretgs e regress sco il possessur Huonder ha gudiu e possediu. Sco era da puder guder sco la brev dall'alp da **Tschamut** plaida a dato 1398 e renovada 1543, che sesanfla egl archiv da vischnaunca che plaida da puder guder cun ira e vegnir cun ils tiers en quels baghetgs tochen S.Placi ch'ei ils 11 da fenadur. Il*

cumprader ei stau Gion Giusep Riedi per la summa da 2550 frs.

### Conclusiun

Culs onns 1860 semida la situaziun da **Tschamut** - la historia per propi, ina singulara per in vitget alpin, che ha cuzzau forsa 600 onns ei ida a fin. Ils Tschamuters ein dapi lu integrai entiramein ella vischnaunca da **Tujetsch**!

<b>Fontaunas:</b>	<i>Archiv communal Tujetsch, documentaziun 16. ...</i>
	<i>Notizias da dr. Paul Tomaschett egl Archiv cultural <b>Sumvitg a Surrein</b></i>
	<a href="http://www.thendry.ch">www.thendry.ch</a>
	<i>Cudisch da Tujetsch, 1987, differents auturs</i>



**Tschamut**